

13. august 2010

19. aprili 2010

UKA 2010/33

UPA 2010 / 51

Inatsisartut aalajangiinissaannut siunnersuut, nunatta karsiata kukkunersiuinermut ataatsimiititaani allattutut suliat Nuna tamakkerlugu Kukkunersiuisoqarfimmit Nunap Kukkunersiuisuanit pisortaqartumit taarserneqassasut, soorlu Naalagaaffeqatigiinnermi allani taamaattoqartoqartoq, tassa Savalimmiuni Nuna tamakkerlugu Kukkunersiuisoqarpoq Danmarkimilu Naalagaaffik Kukkunersiuisoqarluni. Ilanngullugu siunnersuutigineqarpoq, Inatsisartut Kukkunersiuinermut Ataatsimiititaani ilaasortat siunissami qinersivik pineqartoq tamaat atuuttussanngorlugit qinerneqartassasut, ataatsimiititaliarlu taaguuserneqassasooq "Inatsisartut Kukkunersiuisui".

(Inatsisartunut ilaasortaq Andreas Uldum, Demokraatit)

Akissuteqaat

(Aningaasaqarnermut Naalakkersuisooq)

Siullermeerineq

Inatsisartunut ilaasortaq Andreas Uldumip aalajangiiffigisassatut siunnersuutaanut naalakkersuisut oqaatigiumasaat inassuteqaataallu naalakkersuisut sinnerlugit matumuuna saqummiutissavakka.

Siunnersuut marlunnik sammisaqarpoq. Sammineqartoq siulleq tassaavoq nunatta karsiata naatsorsuutaasa kukkunersiorneqartarnerisa aaqqissuussivigineqarnera, sammineqartup aapparaa kukkunersiuinermut ataatsimiititap piffissaq qinigaaffiata sivisussusia. Kukkunersiuinermi suliat aaqqissuussivigineqarnerat pillugu apeqqut arlalinnik Naalakkersuisut oqaaseqarfigissavaat.

Nunap karsiata naatsorsuutaasa pisinnaatitaaffeqarluartumit arlaannaannullu pituttugaanngitsumit oqartussaaqatigiinnermi kukkunersiorneqartariaqarnerannik siunnersuuteqartup soqutiginninnera Naalakkersuisut soorunami isumaqatigaat. Taamaattumik apeqqut taamaallaat unaavoq, tamanna qanoq ililluni pitsaanerpaamik akiminullu naleqquttumik qularnaarneqarsinnaava.

Ukiuni aggersuni kikkut nunap karsianut kukkunersiuissuussanersut Kukkunersiuinermut Ataatsimiititaliap ullumikkut Inatsisartunut inassuteqaateqarfigisarpaa. Tamanna pereeraangat nunap karsiata kukkunersiuissusaa, suliassaqarfinnik tamanik Inatsisartut kontoi eqqaassanngikkaanni kukkunersiuisartoq Inatsisartunit qinerneqartarpoq. Inatsisartut siulittaasoqarfiata toqqarsimavaa nammineq kukkunersiuisoqarnissani, taamaattumik Inatsisartut taakkulu suliffeqarfiisa kukkunersiuinermut allattaavii Inatsisartut Siulittaasoqarfiannit suliarineqartarput.

Danskit Rigsrevisioniat qarasaasiakkut nittartakkamini allappoq:

UKA 2010/33

UPA 2010 / 51

”Nunat tamangajammik kukkunersiuinermut pingaarnerullutik oqartussaasoqarput naalackersuisoqarnerup aamma inatsisartoqarnerup akornanni inatsit tunngaviusoq malillugu suliassanik agguataarinermut ikorfartuutaasumik. Kukkunersiuinermut oqartussaasut inatsit tunngaviusoq malillugu eqqartuussisutut piginnaaneqartitaasut, naalackersuisut imaluunniit inatsisartoqarnerup ataaniitinneqarnersoq assigiinngisitaarfivoq. Taamaattoq nunani tamat oqartussaaqataatillugit naalackersugaasuni kukkunersiuinermut oqartussaasut nammineertuunerat tamatigut qularnaarneqarsimasarpoq, kukkunersuiisullu oqartussaaqatigiinnermi nakkutilliinissamut aamma sunniuteqarluartumik peqqusersuitsumillu ingerlatsisoqarnissaanut qularnaarsueqataapput.”

Namineertuuneq taanna Danmarkimi qularnaarneqarpoq Naalagaaffiup kukkunersuiisui pillugit inatsisikkut, inatsisartoqarnikkullu ataatsimiititaliaq, Statsrevisorit, namminerisamik allattoqarfeqarpoq pingasunik sulisulimmik. Tamatumuunakkut Statsrevisorit inatsisartoqarnikkut ataatsimiititaliatut aamma Rigsrevisionen, inuussutissarsiutigalugu pituttugaanani kukkunersiuinermik isumagisaqartoq, akornanni erseqqissumik immikkooruteqarpoq. Inatsisartunut ilaasortap siunnersuutaatigut kukkunersuiisut pituttugaanngitsut Inatsisartut Kukkunersiuinermut Ataatsimiititaanut aamma allattoqarfiussapput, tamannalu naleqqutinngilaq.

Naligiittut suleqatigiinnissamik isumaqatigiissuteqarnermut atatillugu Namminersornerullutik Oqartussat atuukkallarmata kukkunersuiisarnerat EUp misissuataarsimavaa. Nunap karsiata naatsorsuutaasa pituttugaanngitsumik tatiginartumillu kukkunersiorneqartarneri EUmik ippigisassaqaratik.

Taaakkua saniatigut inatsisartut aalajangiiffigisassaattut siunnersuutip aningaasaqarnikkut sulisoqarnikkullu kingunerisassaanut naalackersuisut oqaatigiumasaqarput.

Sulisoqarnermut tunngasut pillugit sulisussanik akademikerinik atorfinitsitsiniarneq ajornakusoortorujussuuvoq inunnillu kukkunersiuinerup iluani ilinniagaqarsimasunik atorfinitsitsiniarneq ajornaasavilluni. Naalackersuisut paasissutissiissutigisinnaavaat danskit Rigsrevisionianni sulisorisat 71 procentii akademikeriusut, 10 procentii kukkunersuiisutut ilinniagaqarsimasut 19 procentiilu allaffimmiutut ilinniagaqarsimasut.

Kukkunersiuinermik suliassaqarfimmi suliatigut tupinnaannartumik ineriartupiloorneqarpoq ineriartornermilu tamatumani malinnaajumalluni kukkunersuiisunik naalagaaffimmit akuerisaasunik aalajangersimasutigut ilinniaqqinnissat piomasagaataapput. Kukkunersuiisunik naalagaaffimmit akuerisaasunik Inatsisartut atorfinitsitsissappata inuup taassuma suliatigut pisariaqartumik malinnaajuarnissaa, matumanittaaq suliatigut naammattunik naapitaqartarsinnaanissaa, naatsorsuutigineqareertariaqarput.

Inatsisartunut ilaasortap siunnersuutigaa naalackersuisut ataanni kukkunersuiisut Kukkunersuiisutut atorfinitsinneqarumaartup ataanut nuunneqassasut. Tassunga naalackersuisut paasissutissiissutigisinnaavaat Intern Revisioni inunnik sisamanik sulisoqartoq. Piffissap Intern Revisionimit atorneqartup affaa kukkunersuiartornermut atorneqartarpoq. Piffissap affaata aappaa suliassanut qanoq pisoqaraluarpuunniit naalackersuisut allaffeqarfianni, matumanittaaqnaalackersuisoqarfinnut, aqutsisoqarfinnut suliffeqarfinnullu siunnersuinerup, statuspostinik nakkutilliinermut kiisalu økonomisystemip pisassaqaqfigisaanut nalunaarsuiffiata malinnaasinneqarneranut atorneqartarpoq. Suliassat tamakku naalackersuisut isumaat malillugu kukkunersuiisumut Inatsisartunit atorfeqartinneqartumut tunniunneqarsinnaanngillat.

2010-mi kukknersiuisunut avataaneersunut 1,5 mio. kr.-it naalakkersuisut atorsimavaat. Taakkununga ilanngunneqassapput inunnut marlunnut ukiumut akissarsiarititit 0,7 mio. kr.-inut naapertuuttut imaluunniit katillugit 2,2 mio. kr.-it intern revisionimut atorneqartartut. Naleqqiussissutitut oqaatigineqarsinnaavoq savalimmiuni Landsgrannskoðanin ukiumut 5,1 mio. kr.-inik missingersuuteqartoq. Allatut oqaatigalugu maani nunatsinni suliassaq tamanna naammassisarparput killilimmik qaffasissusilimmik akissaajaateqarluta.

Kukknersiainermut ataatsimiititap atorneranut Inatsisartut aningaasartuutaat kiisalu ataatsimiititap akissaajaatai allat tamanut saqqummiunneqarsimangillat. paasissutissiissutigineqarsinnaavoq danskit Statsrevisorii inuit arfiniliusut allattoqarfiat ilanngullugu ukiumut 6,2 mio. kr.-inik missingersuuteqartut.

Nunatta karsia taarsigassarsinissaminik pisariaqartitsileriaataarsinnaavoq. Tamanna pissappat Nunatta karsiata kukknersiorneqartarnerata aningaaserivinnit qanoq isummerfigineqarnera pingaaruteqarpoq. Maannakkut aqqissuussinerup, tassalu Nunap karsiata naatsorsuutai kukknersiuisutut suliffeqarfimmit nunani tamalaani iluarisaasumit isumagineqarluni, siunnersuutigineqartutut ilusilimmik taarserneqarneratigut aningaaseriviit qanoq tatiginnissinnaatiginerat apeqqutaalersinnaavoq.

Isummersornerit taakku aallaavigalugit ilaatigut kukknersiuisut Naalakkersuisut ataanniikkunnaarnissaasa, ilaatigullu kukknersiainerup ingerlanneqartup pitsaassusaata qularnaarnissaat pillugit inatsisartunut ilaasortap Andreas Uldumip kissaatigisai aallaavigalugit nutaamik immaqalu akisunerusumik aqqissuussinissaq Naalakkersuisut pisariaqartuutinngilaat.

På den baggrund vil Naalakkersuisut gerne indstille, at punktet overgår til udvalgsbehandling i Landstingets Revisionsudvalg forud for 2. behandling af punktet.

Tamanna tunngavigalugu Naalakkersuisut inassutigerusuppaat, suliassaq aappassaaneernejartinnagu Inatsisartut Kukknersiainermut Ataatsimiititaliaannut suliassanngortinneqassasoq.